

Vlada Kantona Sarajevo

Ministarstvo za odgoj i obrazovanje KS

PREDMET: Hitna inicijativa - isporuka toplotne energije u Vogošći

Upućujemo hitnu inicijativu Vladi Kantona Sarajevo i Ministarstva za odgoj i obrazovanje da obezbijedi dodatna finansijska sredstva za nabavku energenata koji se koriste kao alternativno grijanje, obzirom na činjenicu da preduzeće BAGS – Energotehnika d.d Vogošća ne isporučuje toplotnu energiju za obrazovne i javne ustanove u kontinuitetu. Neophodna sredstva trebaju biti dostatna za cijelu grejnu sezonu 2025/2026.

Obrazloženje:

U općini Vogošća djeluju tri obrazovne javne ustanove (dvije osnovne i jedna srednja škola) sa 2119 učenika. Škole posjeduju kotlove kao alternativno rješenje za grijanje ukoliko se obustavi grijanje iz sistema koje isporučuje **"Bags-Energotehnika"**.

Osnovni problem je u neurednoj i nedovoljnoj isporuci toplotne energije od strane preduzeća "Bags-Energotehnika", najčešće zbog nedostatka energenta, usljed lošeg poslovanja i/ili neriješenih finansijskih odnosa s nadležnim institucijama.

BAGS-ENERGOTEHNIKA d.d. Vogošća je dioničko društvo, ali je njegov **glavni osnivač i većinski vlasnik Vlada Kantona Sarajevo sa 67% dionica** preduzeća. Ova dominantna vlasnička struktura Vladi daje kontrolnu ulogu u upravljanju, što objašnjava i odgovornost Kantona za funkcionisanje sistema grijanja u Vogošći.

Podsjećamo da je održana 1.Tematska sjednica Općinskog vijeća Vogošća na temu problematike vezane za isporuku toplotne energije krajnjim korisnicima, građanima Vogošće i neblagovremenog početka grejne sezone 2025/2026.

Usvojeni zaključci su sastavni dio ove inicijative.Zahtijevamo da nas izvijestite o poduzetim aktivnostima, obavijestite u pisanoj formi i najkraćem mogućem roku, a najkasnije do 03.11.2025. godine. Djeca ne smiju biti taoci i žrtve destruktivnih politika koje im oduzimaju osnovna prava garantovana zakonom.

U Sarajevu 28.10. 2025 godine
Klub Demokratske fronte